

欽定大清會典事例

欽定大清會典事例卷四百六十七

禮部

喪禮

宣宗成皇帝大喪儀一

宣宗成皇帝大喪儀○道光三十年正月十四日

宣宗成皇帝崩

文宗顯皇帝截髮辮

皇子等均截髮辮成服

乾清宮宮眷皇子福晉公主以及內監女子等均

翦髮摘耳環成服○是日行大斂禮奉

大行皇帝梓宮於

乾清門正中設丹旒於

乾清門外之左陳

法駕鹵簿於

乾清門外至

太和門外工部內務府官及內監等於

几筵殿中設黃幔左右素帷供牀南嚮坐褥具前設供

案香盒鏡盞具內外齊集

文宗顯皇帝立殿檐東西嚮哭眾傳哭

皇子等立丹陛東西面宮眷公主福晉等均於黃幔內之西東嚮以次立王公百官等福晉郡主

命婦等各辨位集俟內監啟門恭理喪儀王大  
臣及執事官率尚茶尚膳由中門入至

几筵前尚茶跪進茶衆皆跪

文宗顯皇帝親舉茶奠於案行一拜禮衆隨行禮尚茶  
徹茶次尚膳進膳揭巾窳

文宗顯皇帝上食畢執事官進奠几於正中

文宗顯皇帝詣奠几前跪奉爵大臣跪進爵

文宗顯皇帝奠酒三爵每奠行一拜禮興衆隨叩興乃

徹饌哀止

文宗顯皇帝還倚廬衆各退○每日朝脯日中三奠

法駕鹵簿全設。內外齊集。

文宗顯皇帝出倚廬詣

几筵前。東立西驚哭。衆傳哭。迺啟門。

文宗顯皇帝親舉茶上食奠酒。行禮如儀。○十四日

諭朕受

皇考大行皇帝鞠育訓誨深恩。昊天罔極。

聖壽年屆七旬。精神強固。方謂期頤可卜。愛日彌長。上年入夏以來。偶爾違和。雖氣體稍遜於前。猶復

躬親視事。內外奏牘披覽如常。嗣因

皇祖妣大事哀慕毀瘠。以致氣血大虧。本日卯刻力疾

召見宗人府宗令御前大臣軍機大臣內務府大臣親  
降

殊諭立朕為皇太子。

聖訓周詳諄諄以國計民生為念朕痛哭受

命哀迫戰兢方冀朝夕有所稟承

慈躬稍節勞勩永保康和詎意親承

顧命後病勢增劇遂至大漸

龍馭上賓搶地呼天攀號莫及朕泣血椎心尚忍言乎

惟念

付畀至重凡所以勉紹

前猷仰承

先志者。實藐躬之責。兢兢在疚。惶懼日深。朕忍痛抑哀。兢兢即位。尚賴內外文武大小臣工。共矢公忠。弼予郵治。至喪服之制。欽奉

遺詔。今依舊制二十七日而除。朕心實所不忍。仍當恪遵古制。敬行三年之喪。庶幾稍盡孺慕之誠。至於

郊

廟祭祀大典。自不應因大喪而稍略其禮。應如何遣官恭代及親詣行禮之處。著各該衙門查照向例集議。以聞。其天下臣民應持服制。仍照定例行。○十五日。

簡派禮親王金齡。豫親王義道。禮部尚書惠豐。工部尚書特登額。會同惠親王錦愉。大學士耆英。恭理喪儀。○是日奏治喪事宜。一百日內。

上諭批本用藍筆。各部院奏章。十五日後具奏。二十七日內用藍印。一王以下閒散宗室覺羅等。公主福晉以下奉恩將軍妻。恭人以上。民公夫人以下。佐領三等侍衛妻以上。宗室之女等。俱成服。在京之外。藩公主福晉格格等。額駙王台吉等。及外國貢使。二十七日內至京者。一體成服。後至者。男去冠纓。女去首飾三日。一宗室覺羅及



滿漢大臣官員緣事革職者均准成服。專司

壇

廟

堂子

奉先殿

壽皇殿

坤寧宮祭

神殿

陵寢一應祭祀事務官員內暨及出征官兵軍營辦事

人等均停止孝服。其有父母新喪子女出痘者

亦暫免成服。仍百日不薙髮。一齊集處所。近

御王大臣

乾清門侍衛等在

乾清門內。五旗王以下。八八分公以上。內大臣內閣大學士前鋒統領護軍統領上三旗都統副都統內閣學士等。上三旗侍衛間散宗室覺羅包衣官員在

乾清門外。五旗都統副都統八旗官員各部滿漢大臣官員在京之外任大臣官員凡應齊集人員。在

景運門外。俱按翼排立。如命婦不齊集日。右翼大臣官員在。

隆宗門外排立。每日三次。俟。

梓宮前奠獻時。隨班舉哀行禮。一公主福晉等在。

景山柵欄外乘馬進。

神武門至。

蒼震門下馬進內。在。

几筵殿內行禮。五旗王等福晉郡主等由。

景山柵欄外乘馬進。

神武門至。

隆宗門下馬進內大臣等命婦應進內者由

景山柵欄外乘馬至

神武門下馬步行進

隆宗門均在

几筵殿下丹墀右行禮其不應進內之命婦等於

隆宗門外齊集均每日三次隨班舉哀行禮。第

四日王貝勒貝子公等公主王福晉等在各私

第齋室。部院官員在各公署。八旗及閒散官員

在各衙門。喪服二十七日。以初喪日為始。於每

日齊集時均齊集。恭理喪儀王大臣守衛執事

各員喪服百日。近派宗室。二十七月內不嫁娶。  
遠派宗室。及在京王公大臣文武官員。期年內  
不嫁娶。二十七月內不作樂。不燕會。在京文武  
候補候選官員。教習進士舉貢肄業監生吏典  
僧道官俱冠去纓緯。穿素服。在順天府齊集三  
日。早晚舉哀。在京軍民人等。男去冠纓。女去首  
飾。素服二十七日。百日不嫁娶。不作樂。二十七  
日不祭祀。自王公以至軍民人等。均百日不薙  
髮。一在京寺廟各撞鐘三萬杵。○十七日。

命大學士九卿等敬擬

大行皇帝尊諡

廟號。○又奏開

寶日。

皇帝御青長袍褂。冠綴纓緯。其各衙門開印屆時酌以堂官一人。穿青長袍褂冠綴纓緯行禮。○十九日奏紙堆處奠酒奉

旨派恭親王醇郡王惇郡王翰流奠酒。○二十日恭頒遺詔儀與嘉慶四年同。○又奏准

詔書到日。直省文武各官率紳耆摘纓素服出郊跪迎。至公署安設。行三跪九叩禮。跪聽宣讀畢。立舉

哀復行三跪九叩禮。文武官均成服二十七日。三日內率紳士人等朝夕舉哀。命婦等亦穿素服二十七日。直省官員百日內不嫁娶。期年內不作樂。直省軍民人等素服二十七日。一月內不嫁娶。百日內不作樂。官員軍民人等以宮中大事之日為始。均百日不雜髮。督撫提鎮等官。停止進香。遣使頒發。

遺詔於朝鮮國國王率羣臣素服恭迎。止鼓樂。使臣就館。不受燕饗。頒發外藩蒙古諸部。遣理藩院官齋往。儀與朝鮮同。○二十二日。行殷奠禮。陳羊。

酒饌筵各祭物如數

法駕鹵簿全設內外齊集

文宗顯皇帝詣

几筵前。東立西嚮。舉哀。衆咸舉哀。尚茶。跪進茶。衆皆跪。  
文宗顯皇帝舉茶奠於案。行一拜禮。衆隨行禮。尚茶。徹  
茶。次尚膳進膳。揭中霽。

文宗顯皇帝親上食畢。讀祝官奉祭文於案左。跪。禮部  
堂官二員左右跪。恭展祭文。執事官進奠几。

文宗顯皇帝於几前跪。衆皆跪。哀暫止。讀畢。復舉哀。奉  
爵。大臣跪進爵。



文宗顯皇帝祭酒三爵。每祭一拜興。衆隨叩興。

文宗顯皇帝復位。乃徹饌。讀祝官奉祭文。禮部堂官前引。由中門出。至燎所東旁避立。內監恭請。

冠服篚。宮殿監侍二人前引。由中門出。

文宗顯皇帝豫出。

乾清宮左門。

冠服至。跪候過興。還倚廬。

冠服至。月臺內大臣十人前引。由中門出。齊集之王公大臣官員等。按翼排立。俱跪候過。隨行至燎所。

俟。

冠服恭安於燎牀畢。讀祝官安祭文於

冠服前。派出之祭酒王祭酒三爵。禮部堂官遞酒杯。每  
祭行一叩禮。眾皆隨行禮。舉哀畢各退。○二十  
六日。

文宗顯皇帝登極先詣

几筵前行朝奠禮。後行祇告禮。所有齋集之王公百官  
均穿素服冠綴纓。俟朝奠畢。更朝服詣

太和殿前祇俟。其午奠。脯奠齊集。仍服縞素。照向  
例停止舉哀一日。○二十七日。大學士九卿等  
恭擬敬上

尊諡徽稱曰

效天符運立中體正至文聖武智勇仁慈儉勤孝敏成  
皇帝。

廟號曰

宣宗。天下萬世稱為

宣宗成皇帝。奏入奉

諭。大學士九卿會同議上

皇考大行皇帝

尊諡曰

成皇帝。

廟號曰

宣宗上配

列祖永極尊崇。此天下萬世之公論。非朕一人哀慕顯揚之私願。亦非臣下尊親頌美之私情也。謹據所奏恭上

尊諡

廟號所有應行典禮。該部敬稽成例以聞。○二十八日  
奏准二月初五日祭

社稷壇前期三日。

皇帝不致齋。祭日。遵照嘉慶二十五年成案。承祭執事

各官均祭服作樂行禮百官毋庸陪祀其省牲視牲及承祭官齋戒均用素服。又奏准二月初八日祭

朝日壇係

中祀例載遇

列聖大喪素服行禮不作樂不陪祀如遇

列后大喪照

大祀例致祭等語前因係在

大行皇太后百日期內奏歸入

大祀例朝服作樂行禮百官咸陪祀今恭遇

大行皇帝大事。應仍照

中祀例。素服行禮。樂設而不作。百官不陪祀。○二月  
初一日。行啟真禮。陳羊酒饌。筵各祭物。如數讀  
文齊集。儀與殿真禮同。○初二日。奉移

梓宮於

圓明園

正大光明殿暫安。五鼓。鑿儀衛官校設

法駕鹵簿。上駟院備馬四十匹。駝包十八副。恭理  
喪儀。王大臣率執事官校。入徹黃幔。素帷供牀  
几案。把蓮銀五供等。豫送

殯宮。工部陳大昇舉於

景運門外。豫進小昇舉。校尉民夫均穿駕衣。分班立俟。屆時。

文宗顯皇帝詣

梓宮前哭。執事官進奠几。

文宗顯皇帝祭酒三爵。每祭行一拜禮興。立於左。恭理喪儀王大臣內務府工部鑾儀衛大臣率執事官校入。請小昇舉。恭奉

梓宮啟行。

文宗顯皇帝恭導

梓宮出

乾清門中門至

景運門外登大昇輦。

文宗顯皇帝於東北隅西嚮跪禮部堂官祭舉奠酒三  
爵每奠行一叩禮衆隨行禮畢焚楮錢初班校  
尉昇行。

法駕鹵簿前導。

靈駕啟行時。

文宗顯皇帝興於

靈駕左步行恭送。後扈人員隨行。近支王等



御前大臣侍衛近前行走人員亦隨行。

靈駕出

東華門每遇換班時。

文宗顯皇帝跪衆皆跪。

靈駕啟行。

文宗顯皇帝率衆興隨行。

靈駕至

地安門外。

文宗顯皇帝跪衆皆跪候。

靈駕過。

文宗顯皇帝率衆興乘輿由閒道前往

綺春園行禮畢豫往

圓明園恭候

梓宮出

乾清宮後宮眷由

神武門豫往

正大光明殿後祇候公主福晉等豫往

殯宮大門內齊集公主福晉以下八分公夫人以上

豫往

二宮門內西旁齊集未入八分公夫人以下三等

侍衛內務府三旗官員等妻以上豫往

大宮門內西旁齊集恭候

梓宮至舉哀跪迎。包衣渾托和拜唐阿護軍領催等妻  
在

文淵閣後門稍東跪舉哀候過。由間道豫往。在三  
旗官員妻之次齊集。領侍衛內大臣侍衛於

乾清門外接班集候。所有應行齊集之王大臣官  
員按班分段齊集候

靈駕至舉哀跪迎候過隨行附近

梓宮行走之王公大臣等。由該衙門奏派辦事王大臣

梓宮人等。共分二十班。班各八十人。外豫備八人。初班  
內務府大臣。禮部工部堂官。於兩旁隨行。恭昇  
末班用校尉。其餘俱用民夫。分班恭昇。頭目四  
人。服喪服。擊響尺。每班派公侯伯頭等侍衛以  
下參領輕車都尉以上。並給事中御史郎中員  
外郎等官八員管轄。鑾儀衛官四員。指示進退。  
換班行走。昇引幡人等亦分六班。班各三十二  
人。外豫備四人。俱穿駕衣。幫牽幡繩。每班派部  
院官包衣官各四員管轄。所過門橋。內大臣祭  
酒三爵。焚楮錢。包衣官員由

東華門揚撒楮錢喇嘛一百八衆豫往

大宮門外西旁恭迎

梓宮至

圓明園

文宗顯皇帝出

宮門至東撫衆木外跪迎哭衆皆跪哭興

文宗顯皇帝引

梓宮至

大宮門前

文宗顯皇帝跪

梓宮降大昇舉登小昇舉。

文宗顯皇帝興引。

梓宮入中門至。

正大光明殿。

文宗顯皇帝立於殿檐東。恭理喪儀。王大臣率官校入。

奉安。

梓宮於殿之正中。設黃幔素帷。照常安設。供牀香案等項。近支王等位階下。近。

御王大臣等於。

二宮門內東旁。王公至奉恩將軍。大學士至副都。

御史領侍衛內大臣公侯伯子男至副都統閒  
散宗室覺羅蒙古王台吉及內務府三旗官員  
人等在

大宮門內東旁其餘官員等在

大宮門外排立舉哀應行進內之王公等俱由

大宮門左門入應行進內齊集之福晉等俱由

大宮門右門入俟

梓宮奉安畢。

文宗顯皇帝詣奠位祭酒三爵每祭行一拜禮衆皆隨  
行禮畢焚楮錢引幡隨同焚化闔門哭止。

文宗顯皇帝還倚廬。宮眷俱還宮。衆皆退。其點香燈。太監交與宮殿總管首領奏派。每日三次照常供獻。滿月以內。每日三次陳設。

法駕鹵簿。滿月禮後停止。遇祭日仍陳設。大祭禮後三時供獻。另派王等輪班奠酒。百日以內。內務府三旗佐領管領下官員護軍領催拜唐阿。分作六班。一旗一佐領作一日。一旗一渾托和作一日。輪班於供獻時齊集舉哀。○初六日。行初祭禮。陳羊酒饌筵各祭物如數。讀文致祭。次日。繹祭。遣官行禮。儀俱與嘉慶四年同。○初七



日奏准大祭禮後

皇帝間一日親詣

几筵前奠獻一次。二滿月後間二日

親詣一次。百日後間數日

親詣一次。其餘之日。每日三時供獻。由派出王大臣等

輪班奠酒。○初八日。行大祭禮。陳羊酒饌筵各

祭物如數。讀文致祭。次日。繹祭。遣官行禮。儀與

初祭同。○初九日。王大臣等會奏百日內外

御用服色。一百日內恭遇

大祀俱遣官行禮。

皇帝不致齋。百日外。

親詣行禮。遇孟春孟夏孟秋時饗。仍遣官行禮。齋戒日。

用常服。不挂朝珠。

閱視祝版。御龍褂。至

駕詣。

天壇齋宮。是日早。

閱視祝版及省牲視牲。均御龍袍龍褂。冬用貂褂。乘禮

輦。不御鞞。祭日用禮服作樂。還宮時。導引鼓樂。

設而不作。一百日外。元旦。

堂子行禮。御禮服。百日外。遇。

列聖聖誕

親詣

奉先殿行禮。穿龍褂藍袍。挂朝珠。忌辰仍素服。一。二十七月內。中祀羣祀俱遣官行禮。一。宮內祀

神。俟百日後舉行。御龍褂藍袍。挂朝珠。一。二十七月內。

恭遇謁

陵。

皇帝在途次御行衣。恭謁各

陵時。御青長袍褂。冠緞纓。恭謁

龍泉峪。御縞素冠。摘纓。一。百日外遇

萬壽聖節。正日御常服。其前三日後三日仍素服。一咸  
豐元年元旦。請照道光元年之例。用禮服。

御太和殿。不宣表。不作樂。二年元旦。照嘉慶二十五年  
奏准之條。不

御殿受賀。御貂皮褂。挂朝珠。前後三日。御貂皮褂。不挂  
朝珠。忌辰仍素服。於初五日補御貂皮褂。一日。  
一。二十七月內。傳臚不

升殿。一。恭查乾隆元年

高宗純皇帝御門聽政。嘉慶五年

仁宗睿皇帝御門聽政。道光元年

大行皇帝御門聽政均在期年之後。此次恭擬期年後  
請

皇帝御門聽政一百日外二十七日内封

寶開

寶御龍褂藍袍挂朝珠。每月朔望用常服。不挂朝珠。  
經筵

臨雍

耕藉典禮俱於二十七月後舉行。二十七日外百日  
內尋常

召見大臣官員及引

見官員俱於便殿辦理仍服縞素二十七月內俱素服

一

皇貴太妃等主位百日縞服二十七月內俱素服

內廷主位二十七日釋縞素二十七月內用常服

遇元旦日

萬壽聖節前後七日俱用吉服。二十七日及百日內

恭遇

大祀遣官恭代承祭執事各官均朝服祭時作樂行禮

齋戒日素服冠緞纓二十七日內百官不陪祀

百日外二十七月內若恭遇

皇帝親詣行禮。齋戒日。各官俱常服。挂朝珠。恭遇  
皇帝閱視祝版。百官穿補褂。至

駕詣

天壇齋宮。是日早。

閱視祝版及先期省牲視牲。各官俱穿蟒袍補褂。祭日  
咸朝服。一百日內遇中祀羣祀。遣官致祭。承祭  
執事各官。俱素服行禮。百官不陪祀。樂設而不  
作。百日外二十七日內。齋戒日常服。祭日朝服  
作樂。一百日外宮內祭

神。執事人員。俱穿補褂。二十七日內。元旦隨

駕詣

堂子王公大臣官員俱穿朝服。王公文武大臣官員。二十七日外百日内穿青長袍褂。冠綴纓。夏季戴雨纓帽。至

几筵前仍摘纓。其派出穿孝之王大臣官員等仍服縞。素至百日外二十七月內王公文武大臣官員均服青褂藍袍。夏季戴緯帽。遇朔望穿常服。不挂朝珠。至

几筵前及

山陵前俱服青長袍褂。冠摘纓。一奉移



料宮至

山陵隨從人員。在途次穿青長袍褂。冠緞纓。禮成後。回京時。仍穿青長袍褂。冠緞纓。一百日外。二十七月內。恭謁。

山陵隨從人員。在途次穿行衣。謁各。

陵日。隨從人員。穿青長袍褂。冠緞纓。謁。

龍泉峪日。隨從人員。穿青長袍褂。冠緞纓。

萬壽聖節。正日。王公大臣官員。俱穿蟒袍補褂。挂朝珠。

其前三日後三日。俱常服挂朝珠。一百日外。遇

元旦日。王公百官。俱穿蟒袍補褂。挂朝珠。前三

日後三日俱常服挂朝珠。忌辰仍素服。於初五日補穿常服挂朝珠一日。一百日外。二十七日內。遇常朝坐班。及開封印信日。屆時均穿補褂挂朝珠。一。二十七日外。一百日內。引

見官員。俱穿青長袍褂。百日外。穿青褂藍袍。遇朔望。常服不挂朝珠。一。百日內。雨衣雨帽。氈褂。不論品級。均用青色。一。百日外。帽套各按品級。雨衣氈褂。仍用青色。一。外省在京各員。赴

天安門外謝

恩。穿常服。如遇鄉會試之年。停止筵燕。內外簾各員謝

恩穿常服挂朝珠。二十七月內各衙門開封印信告  
條仍舊黏貼。其王公大臣百官官衙封條百日  
後黏貼對聯門神。至二十七月後張挂。○十四  
日行初周月禮陳羊酒饌筵各祭物如數讀文  
齊集儀與殷奠同。○二十三日

文宗顯皇帝親詣

几筵前行清明禮不設

冠服不讀文不焚楮錠恭進楮錢寶花一座照例齊集  
陳設禮儀均與初祭同。○三月十四日行二滿  
月禮陳羊酒饌筵各祭物如數照例齊集儀均

與初周月同。惟不讀文。以後凡滿月。禮均仿此。○是時行  
聖公孔繁灝來京。禮部奏准行二周月禮時。在  
圓明園齊集處。隨班行禮。嗣後每遇祭日。均照此  
例行禮。○四月初九日。以十二日恭上

尊諡

文宗顯皇帝御青長袍褂。戴雨纓冠。於

園內

欽定致齋處所。齋戒三日。王公百官均青常袍褂。冠纓  
纓。派出穿孝之王大臣等。於齋戒三日內

召對及帶領引

見均服青長袍褂。冠綴纓詣

几筵前。應服編素者仍服編素。○十一日。遣官告祭

天

地

太廟

社稷。承祭大臣及執事官均朝服告祭

奉先殿。承祭大臣及執事官均補服。○十二日。奉

冊

寶大臣。執事官及齊集之王公大臣官員等均青長袍

褂。冠綴纓。巳時。

文宗顯皇帝御青長袍褂雨纓冠乘輿至

太和門北降輿禮部堂官導引由

太和門左門出詣案前北嚮立恭閱

冊

實畢就拜位行三跪九拜禮轉立東次大學士二員詣

案前恭安

冊

實於匣內各行一跪三叩禮興恭奉

冊

實由中階下奉安於黃亭內復行一跪三叩禮興禮部

堂官奏禮成

文宗顯皇帝升輿由他路詣

圓明園大宮門外所設幄次更縞素恭候其隨

駕大臣侍衛官員至此俱摘纓校尉由

太和門外昇黃亭導以

御仗二黃蓋一執提鑪侍衛一對前引堂官侍衛

並十大臣禮部司官十員前引執豹尾槍侍衛

奉

冊

寶大學士登執事官在黃亭後隨行由

西華門出

西直門內大臣等於

午門內金水橋兩旁王以下入八分公以上於

熙和門外排立皆跪候過隨行其未入八分公以

下四品官員以上豫至

圓明園大宮門外排立候

冊

寶亭至跪迎黃亭至

圓明園大宮門外止

御仗黃蓋俱止引導侍衛及執豹尾槍侍衛等皆



止。所有引導跟隨。

冊

寶之大臣侍衛官員執事人等。至

大宮門外俱摘纓緯鑿儀衛官豫設

法駕鹵簿於

圓明園宮門外。

梓宮前設祭品陳帛爵點香燭陳設如儀。至時大學士  
二員禮部堂官二員各詣黃亭前行一跪三叩  
禮興。大學士恭奉香

冊香

寶禮部堂官恭奉絹

冊絹

寶前引十大臣暨派出前引官二人前引以次入

圓明園由中路由至月臺階下前引十大臣止於階下排立前引官二人引至殿門外止於檐下稍南排立大學士禮部堂官恭奉香絹

冊

寶入殿中門並安於東旁案上各行一跪三叩禮出立於東西兩旁檐下稍南禮部堂官奏請

文宗顯皇帝由幄次出贊引對引官恭導從大門東門

進至拜褥前行恭上

尊諡禮王以下入八分公以上按翼由大門之東西兩門入至二門內稍南排立未入八分公及民公侯伯以下滿漢文武四品官員以上在二門外排立

冊  
文宗顯皇帝行禮時衆隨行禮所有恭進

寶上香奠帛讀祝三獻送燎均如儀禮畢

文宗顯皇帝由原進門出升輿還倚廡衆按翼從東西兩門出翼日頒

詔布告天下。○十九日。行百日禮。

法駕鹵簿全設。讀文致祭。陳羊酒饌。筵各祭物。如數讀文齊集。儀與殷奠同。○是日。

文宗顯皇帝請髮。王公大臣官員軍民人等均行薙髮。文宗顯皇帝易素服冠緞纓緯。詣

几筵前。仍服縞素。王公百官易藍袍青褂冠緞纓緯。夏季戴緯帽。隨

駕詣

几筵前時。仍服青袍青褂。夏季戴雨纓帽。摘纓。冬季戴暖帽。摘纓。○二十九日。恭遇

孝慎成皇后忌辰適在加上

列聖

列后尊諡齋戒期內

文宗顯皇帝於

閱視祝版時御龍褂挂朝珠。隨從執事官員咸補服挂

朝珠

閱視畢御紅青褂藍袍緯帽不挂朝珠。所有執事及陪  
祀之王公大臣官員等穿常服挂朝珠。無執事  
及不陪祀之王公大臣官員等俱常服不挂朝  
珠。○朝鮮國王遣使臣恭齋祭文禮物詣

几筵前進香一應禮節均與嘉慶二十五年同。○六月  
初九日恭值

萬壽聖節

文宗顯皇帝於卯刻前素服冠纓詣

殯宮殿門外行禮

殿門敬開早晚日中三奠停止舉哀隨從王公大

臣侍衛官員均常服緯纓冠至此更雨纓帽

几筵前上祭時執事人等俱冠摘纓。○十四日行周月

禮時在小暑至立秋期內停止安設

冠服其楮錠俟中元致祭一同焚化。○二十六日

諭朕於九月十八日恭送

皇考宣宗成皇帝梓宮二十三日暫安奉

慕陵饗殿二十四日致祭禮畢啟行二十七日還宮○

二十八日

諭禮部奏九月十八日奉移

宣宗成皇帝梓宮擬請步送至紅橋乘輿由間道先詣  
第一站祇候等語朕追慕

皇考罔極深恩瞻仰

靈輿尤深攀戀屆時應步行恭送至南海淀地方藉以  
稍申哀悃○七月十五日行中元禮陳羊酒饌筵各

祭物如數讀文齊集儀與嘉慶四年同○十六

日

諭九月十八日恭送

皇考宣宗成皇帝梓宮至

慕陵饗殿安奉禮成後啟程於二十七日由黃新莊還京。是日朕仍御青長袍褂冠綴纓緯毋庸改用常服。其王公百官均照王大臣等前經奏定服色一體遵行。○二十四日奏准九月二十七日

聖駕自黃新莊還京。其在京王公大臣官員接

駕服色。穿藍袍青褂冠綴纓緯。○二十八日奏准本年



十月初一日

頒朔恭值

御極之始

頒賜初元正朔所有是日受朔之王公百官及執事各

官均照例穿朝服行禮至次年

頒朔應照嘉慶五年成案穿用朝服。○又奏准

梓宮於九月二十三日至

慕陵饗殿安奉。前期一日

皇帝詣

孝穆成皇后

孝慎成皇后

孝全成皇后神牌前行恭上

尊諡禮畢應恭請

神牌於另室供奉惟

慕陵饗殿僅止三間若供奉

神牌於東西間地勢較隘以後四時大祭恐礙舉行的

擬於恭上

尊諡禮成後敬請

孝穆成皇后

孝慎成皇后

孝全成皇后神牌供奉於

東配殿以後各祭祀均在

東配殿舉行俟

宣宗成皇帝梓宮奉安

地宮後同

宣宗成皇帝神牌一同奉入

饗殿至致祭

宣宗成皇帝几筵前請將

東配殿殿門敬閉如遇

東配殿致祭時請將

饗殿殿門敬開庶吉禮喪儀兩無妨礙○八月初三日

奏准

梓宮於九月二十三日至

慕陵饗殿安奉屆十月初一日孟冬應比照各

陵一體致祭謹擬是日即令派出在

陵住宿之王一人服青長袍褂冠摘纓緯恭詣

几筵前致祭奠酒三爵每奠行一叩禮所有祭品由

禮寢官查照各

陵孟冬致祭品物一律備辦

咸豐元年孟冬仿此

○初十日恭遇

宣宗成皇帝聖誕

文宗顯皇帝於朝奠前御青長袍褂冠去纓緯詣  
几筵前上香行三跪九拜禮齊集之王公大臣官員俱  
青長袍褂冠摘纓隨同行禮陳設

法駕鹵簿停止舉哀一日朝晡日中三奠仍照常  
供獻○九月十五日以十八日奉移

梓宮於

慕陵饗殿安奉遣官告祭

天

地

太廟後殿

奉先殿

社稷○十七日行祖奠禮陳羊酒饌筵各祭物如數讀  
文齋集儀與嘉慶四年同。麥駕六十四件。暨

梓宮前供奉之寶花均遵

旨於祖奠時焚化○十八日早禮部內務府大臣恭請  
香

冊香

寶安奉黃亭內俟

靈駕啟行時校尉昇請在鹵簿後隨行工部官陳一百  
二十八人大舉及三十二人小舉於

大宮門外恭理喪儀王大臣等率執事官校豫進  
小舉屆時

文宗顯皇帝具縞素詣

梓宮前祭酒行禮畢奉移

梓宮由

正大光明殿出登大舉

文宗顯皇帝於東旁跪禮部堂官祭舉奠酒三爵焚楮

錢

文宗顯皇帝興在

梓宮左旁步送至恩慕寺迪南跪候

梓宮過輿

文宗顯皇帝乘輿由間道先詣第一站大營等候近

御王大臣等於

二宮門內東旁王以下滿漢三品大臣以上及閒散宗室覺羅並三旗包衣渾托和等於

大宮門內東旁齊集奉移祭酒時衆隨行禮四品以下有頂戴官員以上及年老不能步行之大臣官員俱在南海淀齊集俟

梓宮過時皆跪舉哀往送之王公大臣官員等隨行至  
鐙籠庫南口外騎馬其不往送者隨行至鐙籠



庫南口外排跪舉哀俟

梓宮過各退

內廷主位暨在內福晉公主等在照常齊集處齊集和碩福晉以下。入八分公夫人以上。在

二宮門內西旁齊集。未入八分公夫人以下。三等侍衛內務府三旗官員等妻以上。在

二宮門外西旁齊集。包衣渾托和拜唐阿護軍領催等妻在三旗官員妻之次齊集舉哀。

靈駕啟行。往送之福晉公主命婦等於別路先往。其不往送者各退。喇嘛一百八衆在

大宮門外恭送太監每班十人侍衛每班二十人俱分班更換在

靈駕兩邊步隨近前行走之王大臣侍衛內監等在

靈駕兩旁騎馬隨行恭理喪儀王大臣禮工二部內務府鑾儀衛大臣於

靈駕兩旁騎馬巡察每換班時下馬觀看隨行之王大臣侍衛官員內監等俱下馬跪候換班畢仍上馬隨行此後執豹尾槍侍衛行走次帶領衆人之侍衛行走又次王大臣官員依序行走所過門橋內大臣輪班祭酒焚楮錢沿途包衣官揚

撒楮錢其恭昇

梓宮分班校尉夫役及管轄行走指示進退官員均與

嘉慶二十五年同

靈駕將至

蘆殿王大臣官員豫從他路先往黃布城北門外排立  
靈駕至跪迎舉哀候過從黃布城兩旁牆外至大門前

排立

文宗顯皇帝於

蘆殿黃網城後門外東旁跪迎候過興隨行

法駕鹵簿排設於

廬殿大門前列

冊

寶於左右。供果筵。

文宗顯皇帝行宿奠禮。祭酒三爵。衆皆隨行禮。起立舉哀。各退。○在途次日。陳

騎駕函簿。

文宗顯皇帝詣

廬殿行朝奠禮。祭酒三爵。每祭行一拜禮。衆隨行禮。焚楮錢。

冊

實仍奉安亭內奉移

靈駕出時王大臣官員等按其排跪舉哀候過隨行

文宗顯皇帝於東旁隨行出東門於網城外南邊跪候  
過興由間道詣第二站大營祇候以後每日晨  
宿行禮均照此儀○每宿

蘆殿前點香鐙及太監輪班坐更守護圍牆內外豫備  
激桶事宜均與嘉慶四年同○沿途百里內地  
方文武官員跪迎行禮均與嘉慶四年同○二  
十二日朝奠派王一人恭代行禮

文宗顯皇帝由第四站大營御青長袍褂冠綴纓緯先

恭謁

泰陵

泰東陵

昌陵行禮畢冠摘纓由

昌隆隆恩門右門入詣

孝和睿皇后几筵前行恭謁三跪九拜禮畢回至幄次

少憩禮部堂官奏請

文宗顯皇帝詣

几筵前行加上

孝和睿皇后

尊諡禮。禮成後。仍至幄次。少憩。是時

慕陵隧道未啟。

文宗顯皇帝御青長袍褂。冠綴纓。謁

孝穆成皇后

孝慎成皇后

孝全成皇后寶城行禮畢。至更衣幄次。更龍袍龍褂。詣

孝穆成皇后

孝慎成皇后

孝全成皇后神牌前。行加上

尊諡禮。禮成後。仍更縞素。回第五站大營。詣

梓宮前行宿奠禮。○二十三日。

梓宮至

陵除直班人員外其在

陵大臣官員包衣佐領拜唐阿等在神石山牌坊外跪

迎舉哀候過隨行

法駕鹵簿自神石莊牌坊迤北迎設候

騎駕鹵簿到時各在本處下馬同行至

慕陵大門外排設

靈駕到

陵時



文宗顯皇帝由幄次出跪迎工部豫設梭薦太常寺設

拜褥俟

靈駕轉正

文宗顯皇帝恭代嚮

祖陵行禮畢跪俟

靈駕啟行

文宗顯皇帝興豫詣

墓陵在換小舉進南恭候

靈駕至

親引至三孔橋換小舉跪俟換畢興引

梓宮由

饗殿中門入奉安

梓宮於

饗殿正中。

文宗顯皇帝暫避立於東配殿之南俟奉安畢供果卓。

奏請

文宗顯皇帝詣

几筵前祭酒三爵每祭行一拜禮焚楮錢。

文宗顯皇帝出回宿次衆皆退。○是日以

梓宮至

陵遣官告祭

秦陵

秦東陵

昌陵

孝和睿皇后几筵前

孝穆成皇后

孝慎成皇后

孝全成皇后寶城前並

后土

山神○二十四日行饗奠禮陳羊酒饌筵各祭物

如數內廷王等及近

御王大臣等於丹陛兩旁。王以下入八分。公以上於隆恩門外月臺上。內大臣侍衛於月臺下。未入八分。公及滿漢文武官員於東西配房前按翼排立。

文宗顯皇帝由

隆恩殿左門入詣

梓宮前行禮。讀文奠獻。送燎各儀俱與嘉慶四年同。騎駕鹵簿一同焚化。

法駕鹵簿交與

陵寢大臣收存。遇祭日陳設。○自奉安

饗殿以後至初周年止。每日三次供獻。初周年後。日設  
午奠一次。每月朔望仍三奠。○十月二十二日  
諭。明年正月十四日。

皇考宣宗成皇帝初周年忌辰。是日恭值  
祈穀大祀。祇承之義。統於一尊。自應虔詣

南郊行禮。惟霜露之感。歲序倏周。瞻望

几筵。未克躬親。奠獻。即屆期恭遣代祭。朕心追慕。實有  
難安。謹於十四日

祈穀禮成後。次日啟行。十八日駐梁格莊。十九日祇謁  
西陵。禮成後。恭詣

皇考慕陵饗殿几筵前補行初周年祭禮稍申哀戀之忱。是日仍駐梁格莊。二十三日還宮。所有先期遣派恭代及補行初周年致祭典禮著恭理喪儀王大臣會同禮部敬謹詳議以聞。並著各該衙門直隸總督一體敬謹豫備。○二十三日

諭。明年正月十四日。

皇考宣宗成皇帝初周年忌辰。著派恭親王奕訢虔詣慕陵几筵前敬謹行禮。禮成後毋庸回京。十八日在梁格莊覆命。○十一月初十日。王大臣等會同禮部奏

准。明年正月。

皇帝親詣

慕陵几筵前行周年禮擬請

啟鑿途次均御行衣十九日於梁格莊行宮御青長袍  
褂冠綴纓緯恭詣

泰陵

泰東陵

昌陵畢至西朝房南幄次少憩御青長袍褂冠摘纓緯

詣

孝和睿皇后几筵前行恭謁禮畢仍至幄次冠綴纓緯  
至

慕陵隆恩門外東朝房更衣幄次。更縞素詣

宣宗成皇帝几筵前致祭。並於燎所前奠酒禮畢。至東朝房幄次。更青長袍褂。冠綴纓緯詣

孝穆成皇后

孝慎成皇后

孝全成皇后寶城前行恭謁禮畢。仍由原進門出。乘輿還梁格莊行宮。○又奏二十一日恭遇

孝穆成皇后忌辰請

皇帝在途次仍御行衣。二十三日恭遇

孝聖憲皇后忌辰請



皇帝於還宮後御素服是日接

駕各員均常服不挂珠接

駕畢仍穿青褂○禮部奏准正月二十一日二十三日

所有隨

駕之王公大臣官員在途次俱穿行衣於

聖駕還宮後更青褂此二日在京之王公大臣官員等

仍穿青褂○十九日遣官行冬至禮

法駕鹵簿全設陳羊酒饌筵各祭物如數承祭執

事各官不綴冠纓穿青長袍褂行禮如各

陵冬至大祭儀停止舉哀○十二月二十九日遣官行

歲暮禮。陳羊酒饌筵各祭物如數承祭及執事各官。俱青長袍褂冠摘纓在

陵直班之王大臣並直班之

御前

乾清門侍衛等在

大門內排立

陵寢大臣暨在

陵官員人等在

大門外東西兩配房前各按翼排立在

陵居住之公夫人大臣官員命婦等在

殿西牆角排立。屆時承祭王由右門入。至

殿門外西旁立。舉哀。衆隨舉哀。茶膳豫供。執事官進奠。几承祭王詣几前跪。衆皆跪。哀暫止。讀文畢。復舉哀。

陵寢內務府官執壺遞酒杯。承祭王祭酒三爵。每祭行一叩禮。興。衆隨叩興。徹奠。几承祭王退立於右。讀祝官奉祭文。

陵寢禮部二員導引送至燎所。

陵寢內管領恭奉

冠服拜唐阿恭請

祝版由中門出。承祭王跪候過興隨行。

冠服至月臺在。

陵直班之侍衛等十員前引公夫人命婦等俱跪候過興。直班之王大臣侍衛暨。

陵寢大臣官員人等均依次跪候過興。

冠服祭文至燎所恭安畢。承祭王祭酒三爵。每祭行一叩禮。衆隨行禮。跪哭哀止。興各退。